



Aningaasaqarnermut Naalakkersuisoq

Ataasinngornermi ulloq 4. juli 2011 Aningaasaqarnermut Ataatsimiititaliap aalajangernera pillugu Naalakkersuisunut ilisimatitsissutit – Suliaq nr. 01.31.06/11-00544

Nuummi umiarsualivimmik containerersorfiusumik nutaamik misissueqqaarnissamut aningaasaliissutinik missingersuutitut sunnuteqaanngitsumik nikisiterineq

Naalakkersuisut **inassutigaat**,

- kontumi pingaarnermi 87.73.10 Umiarsualiviit, aningaasaliissutit 2,633 mio. kr.-inik amerlineqassasut, agguarneranni suliassamut nr. 999.24.106 Umiarsualivinni misissueqqaarnerit, aningaasaliissutit 0,792 mio. kr.-inik ikilisillugit aammalu suliassamut nr. 060.23.005 Umiarsualivik containerersorfiusoq nutaaq, Nuuk, aningaasaliissutit 3,425 mio. kr.-inik amerlillugit
- kontumi pingaarnermi 87.73.22 GLV – Mittarfii, aningaasaliissutit 1,185 mio. kr.-inik ikilisinneqassasut, agguarneranni suliassamut nr. 033.24.939 Narsarsuarmini talittarfiup iluarsaanneqarnera, aningaasaliissutit 0,291 mio. kr.-inik ikilisillugit aammalu suliassamut nr. 120.25.024 Ilulissani mittarfik, aningaasaliissutit 0,894 kr.-inik ikilisillugit
- kontumi pingaarnermi 89.71.40 Nukissiorfiit, sanaartornermut taarsigassarsiaritit, suliassamut nr. 100.99.201 Imeqarfimmik iluarsaassineq, Aasiaat, aningaasaliissutit 1,448 mio. kr.-inik ikilisinneqassasut

Aningaasaqarnermut Ataatsimiititaliap oqaaseqaatai

Nuummi umiarsualivimmik containerersorfiusumik nutaamik pilersitsinissaq siunertaralugu misissueqqaarnerit ingerlanneqarnissaat siunertaralugu aningaasaliissutinik nikisitsinissaq suliame matumani Naalakkersuisut qinnuteqaatigaat. Tamanna pivoq taamatut pisariaqartitsinermik qulaajaaneq 2001-imiillu ingerlanneqarsimasoq kiisalu umiarsualivimmik taamaatumik pilersitsisoqarnissaanik Assartuussineq pillugu isumaqalioqatigiissitap kaammattuutaa tunggavialugit.

Isummernissamut tunggavissiami takuneqarsinnaavoq aktiaateqarluni ingerlatseqatigiiffimmik Kommuneqarfik Sermersuumit, Royal Arctic Line-imit, Namminersorlutik Oqartussanit Aalborgillu umiarsualivianit pigineqartumik pilersitsinissaq eqqarsaatigineqartoq. Ingerlatseqatigiiffiup taassuma 2012-imi upernaakkut sanaartorfiup aallartinnerani sanaartorerup aallartinnissaa siunertaralugu teknikkkut, inatsisilerinikkut aningaasaqarniarnikkullu misissueqqaarnissat pisariaqartut isumagissavai. Qinnuteqaatikkut matumuuna tamatumunnga aningaasartuutitut taakkununnga Namminersornerullutik Oqartussat akileeqataassutissaannut naapertuuttunik aningaasaliiffigineqarnissamik Naalakkersuisut qinnuteqarput.

Aningaasaqarnermut Ataatsimiititaliali taamaattoq pingaartipaa Assartuussineq pillugu isumalioqatigiissitap isumaliutissiissutaa suli Inatsisartunit oqallisigineqarsimangimmat. Taamaalluni eqqarsaatigineqarsinnaavoq pingaarnersiunermik Assartuussineq pillugu isumaqalioqatigiissitap kaammattuutigineqartunit allaasumik Inatsisartut kissaateqarsinnaanerit.

Tamatuma saniatigut ataatsimiititaliap eqqumiigaa suli misissueqqissaarnissanut amerlanernut aningaasaliissuteqartoqarnissaanik pisariaqartitsisoqarmat, tassami tamatumani misissuinerpassuit assigiinngitsut ingerlanneqartareermata.

Ataatsimiititaliaq isumaqarportaaq suliniutinit naammassineqarsimasutut oqaatigineqartunit aningaasaliissutinik nuussinerup kingunerisassaasa allaaserini tamakkiisuunngitsut. Assersuutigalugu ataatsimiititaliap eqqumiigaa Ilulissani mittarfik pillugu suliniummit 900.000 kr.-ingajannik nuussisoqarsinnaammat, taamaallaat atuinikinnerusoqarsimanera ilisimatitsisutigalugu.

Ataatsimiititaliaq isumaqarportaaq suliniutit siunnersuutigineqartut aningaasatigut sunik kinguneqassanersut ersernerluttoq. Ataatsimiititaliap naatsorsuutigaa, kontumut pingaarnermut 87.73.10 Umiarsualiveqarfiit oqaasertaliussaq nr. 2 naapertorlugu, umiarsualivimmik alliliiniarneq aningaasalersorniarneqartoq aktiaateqarluni ingerlatseqatigiiffiup siunertamut pilersinneqartup taarsigassarsineratigut, kisiannili isummernissamut tunngavissiami tamanna pillugu sukumiinerusumik ilisimatitsissuteqartoqanngilaq.

Taamaalillu ataatsimiititaliaq isumaqarmat pissutsit arlallit ersernerluttut, minnerunngitsumillu ataatsimiititaliap kissaatigimmagu UKA11-mi Assartuussineq pillugu isumalioqatigiissitap isumaliutissiissutaata Inatsisartunit isummerfigineqarnissaata utaqqeqaarneqarnissaa inassuteqaatit akuerineqarnissaat ataatsimiititaliap kissaatiginngilaa.

Aningaasaqarnermut Ataatsimiititaliap aalajangerera

Aningaasaqarnermut Ataatsimiititaliap siuliani allassimasutut paasinnillunni Naalakkersuisut inassuteqaatai **itigartippai**.

Aningaasaqarnermut Ataatsimiititaliaq sinnerlugu

Olga P. Berthelsen
Aningaasaqarnermut Ataatsimiititaliap Siulittaasua